



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

8. De dilationibus

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

Q. 5. Qua sit pœna hoc juramentum præstare recusantis, & quis effectus præstiti? Resp. 1. Ad hoc si detrectet jurare, cadit causâ, & tanquam improbus litigator à judicio repellitur. *c. fin. §. per b. r.* Réus habetur pro confesso. *L. 2. §. 6. C. de Ad utramque tamen pœnam incurrendam oportet est sententiâ judicis. L. & c. cit., unde passim AA. aliquæ sequelæ deducuntur. Imò dantur casus, in quibus pœna hæc vel omnino non, vel limitatè tantùm incurritur; talis est causa criminalis. *Vall. h. §. 4. n. 3.* spiritualis, ne detur vitæ ingressus. *c. 1. de R. I. in 6. & c.* Deinde contumacia Procuratoris non nocet Domino, adeo ut pupillus, & quicumque alius, cujus causa agitur, ideo eâ non cadat, vel pro confesso habeatur. *L. un. §. 2. ff. si quis jus dicenti non obtemp.* non obstante. *c. 4. h. r.**

Resp. 2. Præcipuus & ferè unicus effectus præstiti juramenti est, quòd jurans excusetur à calumniâ præsumpta arg. *c. 5, h. r. & L. 1. C. de* non verò liberatur, ut aliqui volunt, à solvendis expensis. AA. communiter.

TITULUS VIII.

De dilationibus.

Q. 1. Quid sit dilatio? Resp. Dilatio judicialis de quà hic sermo, & quæ ita dicitur, quæ durante judicio, sive à citatione usque ad sententiam, ejusque executionem conceditur, definitur potest, quòd sit certi temporis ad actum aliquem judicis

judicialē commodiū exercendum concessio.
 A *prorogatione* differt, quòd hæc sit termini concessi nondum elapsi ulterior, seu in alium extensio aut productio.

Q. 2. *Quotuplex sit dilatio?* Resp. Respectu effectus, quem inducunt, aliæ sunt *peremptoria*, quæ semel tantum concessæ elapso termino negotium seu causam perimunt; aliæ *non peremptoria*, quæ semel & iterum concessæ disceptationem tantum differunt. A causâ *efficiente* aliæ sunt *Legales*, quæ à Lege, vel consuetudine conceduntur; exempla sunt in *c. 15. desent. & re jud. L. ult. C. de tempor. in integr. restit.* Aliæ *conventionales*, quæ ex mutuo partium consensu dantur. Vid. *c. 28. de off. deleg. L. 113. ff. de V. S.* Aliæ *judiciales*, prout opponuntur Legalibus & dicuntur *arbitraria*, quæ arbitrio judicis inspectâ causæ & personarum qualitate, loci distantia &c. longiores vel breviores conceduntur. Hæ judiciales pro numero trium judicii partium subdividuntur in *citatorias*, *deliberatorias*, & *recusatorias*, quæ dantur in prima judicii parte à citatione ad litis contestationem. Deinde in *probatorias* & *allegatorias*, quæ à L. C. ad sententiam definitivam conceduntur Actori ad positiones & articulos probatoriales formandos, & testes ac instrumenta conquirenda; Reo ad respondendum & ad suas exceptiones formandas. Demum in *definitorias*, quæ litigantibus ad audiendam sententiam præfiguntur; & in *Executorias*, quæ condemnato conceduntur ad solutionem, aliâ-

que satisfactionem præstandam. In Civilibus
personalibus actionibus de jure est quadrimestris
c. 26. de off. deleg. L. 31. ff. de re jud. In
Realibus & Criminalibus regulariter locum non
habent dilationes, nisi fortè ex speciali ratione, v.
g. cum mulier prægnans ad mortem est damnata
&c.

Q. 3. Quid de singulis in 3. judicii partibus inter-
venientibus dilationum speciebus notandum? Resp. 1.
Dilatio citatoria est, quæ Reo absenti & citatus
datur ad comparandum & respondendum libello:
lo: suapte naturâ peremptoria non est; quia Reus
non nisi ad tertiam, quæ proinde peremptoria
erit, comparere tenetur. L. 68. ff. de jud. De
jure antiquo citatio simplex 10. de jure recentiorum
per Auth. qui semel. C. quom. & quand. 30. dies
requirit, adeoque peremptoria 90. In praxi tem-
pus hoc juxta prudens judicis arbitrium vel exten-
ditur, vel arctatur.

Resp. 2. Dilatio deliberatoria est, quæ Reo da-
tur, ut viso Actoris libello deliberare possit, an
litigare velit; cui etiam ea non conceditur, si
per literas citatorias plenè instructus erat c. 2.
h. r. Spectato jure communi tempus harum indu-
ciarum sunt 20. dies à die porrecti reo Libelli com-
putandi. Auth. Offeratur. C. de litis. contest. proba-
biliter tempus hoc moderari potest judex, estque
disparitas inter terminum decennii ad appellan-
dum à jure simpliciter constitutum, & inter ter-
minum hunc ministerio judicis concedendum.
Ex se dilatio hæc est peremptoria, ut non nisi
unica

unica dari debeat, nisi legitimâ causâ urgente, quales refert Schmalzg. *h. n. 9.*

Resp. 3. Dilatio *recusatoria & declinatoria* illa est, quæ datur ad exceptiones dilatorias opponendas, priusquam litis contestatio fiat. *c. 4. de except.* Sicut plures sunt causæ excipiendi, ita & plures sunt casus, in quibus hæc dilationes conceduntur. Plura infra *de except.*

Resp. 4. Dilatio *probatoria* plerumque conceditur ad instantiam partis litigantis. Vide *L. 1. & 4. C. h. t.* Habet pro termino de *jure communi* tres menses; dum tamen ex aliena provincia probationes petendæ, sex. *L. 1. & fin. C. h. t.* Est *regulariter* *peremptoria* etiam non addito *av peremptoriè*, in causis *civilibus & pecuniariis*, ita ut per se loquendo non nisi semel, seu unica tantum dilatio ad probandum dari debeat. *L. 1. cit.* Nisi tamen vel terminus nimis brevis fuisset assignatus, vel justum impedimentum intercurrisset, vel nova causa aut probationes emerfissent, tum enim secunda, imò & tertia concedi posset. *c. 4. de except. L. 7. ff. de feriis.* quartam dicunt abrogatam per *Recess. Imp. 1654. §. 50.* & praxin *Camera.* In causis *Criminalibus* dari possunt Reo tres dilationes, Accusatori duæ, ex quacunque causa & nullo impedimento allegato, modò non sit præsumptio, quòd malitiosè petantur. *L. fin. ff. de feriis.*

Resp. 5. Dilationi *definitoria* certum tempus à jure præfixum non est *c. 24. de off. deleg. L. 71. ff. de jud.* De *executoria* dictum est supra.

D 4

Q. 4.

Q. 4. Quis sit effectus dilationis? Resp. Primus est, quod eâ durante officium judicis quiete quoad articulum, super quo data dilatio, in praesens suspenditur, & non procedit ad iudicium ejus, qui illam impetravit. L. 3. C. de dilatione. Effectus secundus est, quod, quando terminus dilationis advenit, regulariter habet vim sententiæ interlocutoriæ, & perimat actum qui eo tempore fieri debebat, ita ut pars postea comparens non amplius audiatur. L. fin. ff. de feriis. L. 13. §. ff. de excus. tutor.

Q. 5. Quomodo tempus concessarum dilationum computandum? Resp. 1. juxta Minfing. Cent. 1. Obs. 55. n. 4. sententia in Camera recepta est, quod dies, à quo dilatio incipit, non esse computandum. arg. e. 1. de rest. spol. in 6. c. 1. de except. in 1. Adeoque licet & hic computetur tempus de momento in momentum, id tamen fit modo tum quando tempus currere incepit.

Resp. 2. Dies etiam feriat, qui interea occurrunt, in terminum dilationum computandi sunt. L. 3. C. h. t. nisi feriæ totum vel majorem partem temporis absorberent.

Resp. 3. Postremus dies pro termino assignatus cedit in commodum petentis dilationem, arg. L. 1. §. 9. ff. de successor. edict. L. 30. §. 1. ff. ad Jul. de adult. §. 2. Inst. de V. O.